

歷代刑法考

刑法分攷六

刑法考

宮

書呂刑爰始淫爲劓刵椓黥

詳肉刑

舜典五刑有宮

慎子有虞之誅以艾畢當宮

詳總攷

夏宮辟五百

詳肉刑

按商之宮刑無攷商法多承于夏既有肉刑則有宮刑

可知

周禮司刑宮罪五百注宮者丈夫則劓其勢女子閉於宮

中

書呂刑宮辟疑赦其罰六百鍰閱實其罪傳宮淫刑也男

子割勢婦人幽閉次死之刑疏伏生書傳云男女不以義

交者其刑宮是宮刑爲淫刑也男子之陰名爲勢割去其

勢與極去其陰事亦同也婦人幽閉閉於宮使不得出也
本制宮刑主爲淫者後人被此罪者未必盡皆爲淫昭五
年左傳楚子以羊舌肸爲司宮非坐淫也漢除肉刑除墨
劓剕耳宮刑猶在近代反逆緣坐男子十五已下不應死
者皆宮之大隋開皇之初始除男子宮刑婦人猶閉於宮
宮是次死之刑宮於四刑爲最重 段氏古文尙書譌異
六百周本紀作五百張守節正義從之此今文尙書之別
本也

按司刑宮罪五百周初之刑呂刑宮辟三百穆王改定
之刑輕罪增故墨劓各千倍其數重罪減故宮減十之
四爲三百大辟減五之三爲二百也周初刑次于殺宮
次于剕穆王以剕尙能行宮絕人之世故降剕而宮次
于死刑此權衡損益之得其中者蔡傳不深求其故而

輕肆詆譏其亦未究夫世輕世重之微意歟

周禮掌鬯宮者使守內注以其絕人道也今世或然疏此所守則寺人之類守正內五人之等是也

天官敘官酒人奄十人注奄精氣閉藏者今謂宦人月令仲冬其器閤以奄釋文奄於檢反劉於驗反徐於劍反疏奄十人以共與女酒及奚同職故用奄人奄不稱士則此奄亦府史之類以奄爲異也漿人奄五人蓬人奄一人醯人奄一人醢人奄二人醢人奄一人內小臣奄上士四人注奄稱士者異其賢疏上酒人漿人等奄不稱士則非士也獨此云以其有賢行命爲士故稱士也案詩巷伯奄官也注云巷伯內小臣小臣於宮中爲近故謂之巷伯必知巷伯與小臣爲一人者以其俱名奄又言巷亦宮中爲近又稱伯長也內小臣又稱士亦是長義故

一人也 閹人疏詩云晉極靡共箋云皆奄人彼據后宮
門故使奄者也 寺人王之正內五人注寺之言侍也詩
云寺人孟子正內路寢疏云寺之言侍者欲取就近侍御
之義此奄人也知者見僖二十四年晉文公既入呂卻欲
焚公宮寺人披請見公使讓之且辭焉披曰齊桓公置射
鉤而使管仲相君若易之行者甚衆豈惟刑臣彼寺人披
自稱刑人明寺人奄人也 內司服奄一人縫人奄二人
按寺人披自稱刑臣則凡奄人之給事於王宮者皆宮
者也其職役不獨守內而已

寺人掌王之內人及女宮之戒令注內人女御也女宮刑
女之在宮中者疏謂男女沒入縣官爲奴者也

按推鄭刑女之意乃女子之犯宮刑者故謂之女宮非
沒入爲奴者也

詩小雅巷伯刺幽王也寺人傷於讒故作是詩也注巷伯奄官寺人內小臣也奄官上士四人掌王后之命於宮中爲近故謂之巷伯

秦風車鄰寺人之令傳寺人內小臣也釋文寺人奄人疏左傳齊有寺人貂晉有寺人披是諸侯之官有寺人也

禮記文王世子公族無宮刑注宮割淫刑公族無宮刑

不翦其類也注翦割截也疏所以無宮刑不可翦其同類

公族既犯宮刑當髡去其髮故掌戮云髡者使守積鄭康

成注云謂同族不宮者也方氏慤曰有生所以傳類而宮

刑則無生之道故無宮刑陳氏澹曰受宮刑者絕生理故

謂之腐刑如木之朽腐無發生也此刑不及公族不忍絕

其生生之類耳

左傳僖二年齊寺人貂始漏師于多魚注寺人內奄官釋

文寺人奄官名 史記齊太公世家管仲病桓公問曰羣臣誰可相者管仲曰知臣莫若君公曰豎刁如何對曰白宮以適君非人情難親

按刁卽貂也據史記貂乃自宮非受宮刑者春秋之時

諸侯並有寺人之官晉之寺人拔僖六年齊之侍人賈舉

襄二十五年侍人卽寺人宋之寺人惠嬙伊戾襄二十六年寺人柳昭六年

皆是

左傳襄十七年齊人獲臧堅齊侯使夙沙衛唁之且曰無死堅稽首曰拜命之辱抑君賜不終姑又使其刑臣禮於士以扶挾其傷而死注使賤人來唁已是惠賜不終也夙沙衛奄人故謂之刑臣

按奄人之禍春秋時已屢見之貂之亂國舉之與聞弑君伊戾之讒殺太子柳之讒逐右師受其禍者齊宋爲

著馴至于秦趙宣望夷之事其禍亦云極矣可懼也風沙衛得志于齊而有節之士賤之如賊堅者可以風矣尙書大傳男女不以義交者其刑宮周禮司刑疏以義交謂依六禮而婚者

御覽六百四十八尙書刑德放曰宮者女子淫亂執置宮中不得出也割者丈夫淫割其勢也

白虎通五刑篇宮者法土之壅水

史記秦始皇紀作宮阿房故天下謂之阿房宮隱宮徒刑者七十餘萬人正義餘刑見於市朝宮刑一百日隱於蔭室養之乃可故曰隱宮下蠶室是

方氏苞校語云下隱宮及送徒作阿房宮者共七十餘萬人也蔣西谷曰玩上下文不當插入下隱宮事蓋隱括宮徒刑者七十餘萬人分作阿房或麗山也按蔣說

於文義亦未甚洽似下隱宮之說較勝然正義釋爲宮
刑亦有所據蒙恬傳趙高昆季數人皆生隱宮集解徐
廣曰爲宦者索隱劉氏云蓋其父犯宮刑妻子沒爲官
奴婢妻後野合所生子皆承趙姓竝宮之故云兄弟生
隱宮謂隱宮者宦之謂也此劉氏之說未知別有所本
抑想當然而隱宮之爲宦者於趙高情事相合宦者有
籍故下云除其宦籍則以此證隱宮之義正義之說未
可遽非也

漢書鼂錯傳後詔有司舉賢良文學士錯在選中上親策
詔之曰惟十有五年云云錯對曰今陛下配天象地寬大
愛人肉刑不用舉人亡帑非謗不治鑄錢者除後宮出嫁
除去陰刑法張晏曰宮刑也

按文帝除肉刑在十三年錯對策在十五年錯曰

不用除去陰刑分爲二事似文帝之除肉刑與除宮刑非一時事不然宮刑亦肉刑之一何必分言之漢志載丞相張蒼等議請定律所除爲黥劓斬左右止三者無一語及宮刑也

景帝紀元年詔曰孝文皇帝臨天下通關梁不異遠方除誹謗去肉刑賞賜長老收恤孤獨以遂羣生減耆欲不受獻罪人不帑不誅亡罪不私其利也除宮刑出美人重絕人之世也

按此詔除宮刑出美人與鼂錯對語後宮出嫁除去陰刑二句文意正同可見文帝時宮刑實已除之矣此詔分肉刑宮刑爲二事與錯對合當不誣也史記文紀載此詔除宮刑作除肉刑與上文去肉刑之語既複與下文重絕人之世一語亦不相貫當是傳寫之譌

通考一百六 古者五刑皆肉刑也孝文詔謂今有肉刑三而姦不止注謂黥劓斬止三者獨不及宮刑至景帝元年詔言孝文皇帝除宮刑出美人重絕人之世也則知文帝非宮刑除之至景帝中元年赦徒作陽陵者死罪欲腐者許之而武帝時李延年司馬遷張安世兄賀皆坐腐刑則是因景帝中元年之後宮刑復用而以施之死罪之情輕者不常用也

徐天麟西漢會要說與通考同

梁玉繩史記志疑云景帝元年詔曰除宮刑漢書鼂錯對策曰除去陰刑則文帝固已除宮刑矣且漢志並無不易宮刑明文疑此是剗別宮爲三肉刑蓋黥刑至輕自不應數之而宮刑之復必帝也又去肉刑下按語云下文云罪人不帑不誅亡罪除宮刑出美人重絕人之世蓋敘事以

類相從則此去肉刑三字爲錯出重見疑是去田刑之誤
除田租乃第一惠政非文帝不能行詔中不應獨缺且與
賞賜長老收恤孤獨類也 書局校勘札記云上文云去
肉刑此不當複出當依漢書作除官刑與下出美人爲類
所謂重絕人之世也志疑以其複出疑上去肉刑爲去田
租案漢書亦作去肉刑不誤

王棠知新錄云孝文詔謂有肉刑三而注家謂黥劓斬止
三事但詔中斷支體是指斬止割鼻刻肌膚是指黥終身
不息是指官刑只不言大辟當是肉刑四何以言肉刑三
也且景帝元年詔云孝文皇帝除官刑重絕人之世則知
文帝已除官刑正與詔相應不識何以言三也

按文帝詔言有呂易之丞相等定律曰當黥者髡鉗爲
城旦舂當劓者笞三百當斬左止者笞五百當斬右止

及殺人先自告及吏坐受賕枉法守縣官財物而卽盜之已論命復有笞罪者皆弃市是以髡鉗城旦舂笞弃耳文帝終身不息一語王棠以爲指宮刑然張蒼等奏言陛下明詔憐萬民之一有過被刑者終身不息是此語亦泛言肉刑非必指宮刑也張蒼等議中旣無一語及宮刑則文帝之除宮刑當另爲一事史不言者闕文也

史記文紀今法有肉刑三索隱韋昭云斷趾黥劓之屬崔浩漢律序云文帝除肉刑而宮不易張斐注云以淫亂人族類故不易之也

周禮司刑賈公彥疏文帝赦肉刑所赦者惟赦墨劓與剕三者其宮刑至隋乃赦也

按此二說蓋據景帝後宮刑復行而言猶言漢除肉刑而宮不易耳不可以文害詞也

景紀中四年秋赦徒作陽陵者死罪欲腐者許之注蘇林曰宮刑其創腐臭如淳曰腐宮刑也丈夫割勢不能復生子如腐木不生實

按死罪許腐自是宮刑復行矣東漢死罪囚募下蠶室其法蓋本於此

西域樓蘭傳征和元年樓蘭王死國人來請質子在漢者欲立之質子常坐漢法下蠶室宮刑故不遣

按質子亦坐宮刑不以屬國而稍恕漢法之嚴如此

烏孫傳副使季都別將醫養視狂王狂王從十餘騎送之都還坐知狂王當誅見便不發下蠶室

宣帝元康中平

按漢之宮刑不盡以淫此亦其一也

後漢書光武紀建武二十八年冬十月癸酉詔死罪繫囚

皆一切募下蠶室蠶室宮刑獄名有刑者畏風須煥作書

見前書其女子宮
音義 其女子宮 謂幽閉也

按東漢死罪下蠶室蓋仿景帝之制其後三十一年復

行之明帝永平八年詔死罪減一等其大逆無道者募

下蠶室章帝建初七年詔殊死募下蠶室其女子宮元

和元年章和元年和帝永元八年同安帝以後此事未

見蓋已用陳忠之議除蠶室刑故此制亦不行也

後漢書陳忠傳永初中辟司徒府三遷廷尉正忠略依寵

意奏上三十三條爲決事比呂省請讞之敝又上除蠶室

刑事皆施行注蠶室宮刑名也或云犴刑也音奇敗反作

審室畜火如蠶室說文曰犴騷牛也騷音緇漢舊儀注曰

少府若盧獄有蠶室也

按自永初除宮刑爾後何時復行未能詳也魏晉下逮梁陳南朝未見此刑後魏有之

魏書刑罰志大逆不道腰斬誅其同籍年十四已下腐刑女子沒縣官

按此北朝尙有宮刑之證

北齊書後主紀天統五年二月詔應宮刑者並免刑爲官口

按北齊律成于河清三年隋志所載並無宮刑名目何以天統五年尙有宮刑免爲官口之詔蓋河清之律至天統始施行歟

隋書樊叔略傳父歆仕魏爲南充州刺史阿陽侯屬高氏專權將謀興復之計爲高氏所誅叔略時在髡髻遂被腐刑給使殿省

按此東魏時事承魏法有宮刑

北史魏文紀大統十三年二月詔自今應宮刑者直沒官勿刑

按西魏免宮刑尙止一隅至齊天統中而北朝皆免尙不及南朝也迨後北周大律其載在隋志者已無宮刑名目乃賈公彥周禮司刑疏謂宮刑至隋乃赦書呂刑孔疏亦同何也隋志所載開皇定律詔文所去者梟磔及絞而不言宮刑如果宮刑至是始除乃仁者之事沿茅三大端也詔中方將侈陳之以爲美名豈有略而不言之理豈賈孔亦別有說歟

遼穆宗應歷十三年國舅帳郎君蕭延之奴梅里彊陵拽刺禿里年未及之女以法無文加之宮仍付禿里以爲奴

按此以刑法無文而爲此重法穆宗嗜酒刑罰任意斷手足爛肩股折腰脰無所不至非可以尋常論也

禁自宮

明律鬪割火者凡宦民之家不得乞養他人之子鬪割火者違者杖一百流三千里其子給親

纂注毆殺乞養異姓子止杖一百徒三年今鬪割不至於死乃杖一百流三千里者謂其僭分私割故也按乞養子有撫養之恩義毆死非意料故罪輕鬪割火者其乞養之初意本爲鬪割計無恩義可言鬪割卽律之毆敗人陰陽與篤疾同科故同凡論以滿流非加重也

明問刑條例一先年淨身人曾經發回若不候朝廷收取官司明文起送私自來京圖謀進用者問發邊衛充軍一弘治五年十二月三十四日節該欽奉孝宗皇帝聖旨

今後敢私自淨身的本身并下手之人處斬全家發邊遠充軍兩鄰及歇家不舉首的問罪有司里老人等仍要時常訪察但有此等之徒即便捉拏送官如或容隱一體治罪不饒欽此 一萬歷十一年八月內節奉聖旨自宮禁例載在會典我皇祖明旨甚嚴乃無知小民往往犯禁私割致傷和氣著都察院便行五城御史及通行各省直撫按衙門嚴加禁約自今五年以後民間有四五子以上願以一子報官閹割者聽有司造冊送部候收補之日選用如有私割的照例重治鄰佑不舉的一併治罪不饒欽此明會典永樂二十二年令凡自宮者以不孝論軍犯罪及木管頭目總小旗民犯罪及有司里老 宣德二年令凡自淨身者軍還原伍民還原籍不許投入王府及官員勢要之家隱藏躲避差役若再犯者犯及隱藏之家俱處死

該管總小旗里老鄰人知而不舉一體治罪 正統十二

年令凡自首在官闕者送南海子種茶其隱瞞不首及再

獲淨身并私收使用者事發全家發遼東充軍 天順二

年令淨身者拏問邊遠充軍 成化九年令私自淨身希

求進用者本身處死全家發煙瘴地面充軍 十五年令

淨身人巡城御史錦衣官督同五城兵馬逐回原籍若該

城內外容留潛住者并火甲鄰佑人等一體究治本身枷

號一箇月滿日決打一百押回如再來京師家下父兄人

等俱治罪 正德元年令直隸順天等府山東河南等布

政司地方再有私自淨身者照例本身并下手之人處死

全家發邊遠充軍其先已淨身者立籍點開不使私自逃

至京師擾害官府 二年令違例私自淨身人著錦衣衛

五城兵馬著落各該地方盡數逐去如有潛躲在京者拏

住殺之 九年令今後再有私自淨身者除幼小無知者
本身免死充軍其餘俱照見行事例本身并主使下手之
人處斬全家發邊遠充軍里老鄰佑及本管官不行舉察
者各從重治罪 十六年詔私自淨身人在京潛住希圖
收用著緝事衙門巡城御史訪拏究問今後敢有私自淨
身者本身并下手之人處斬全家發煙瘴地面充軍兩鄰
及歇家不舉者皆治罪

按自宮禁例明代可謂嚴厲矣而明代閹豎之禍較之
唐宋爲烈可見徒立一重法而無實意以行之亦徒法
而已

井觀瑣言綱目分注記南漢宦官之橫云凡羣臣有才能
及進士狀頭皆先下蠶室然後得進亦有自治以求進者
由是宦者近二萬人貴顯用事大抵皆宦者也王行卿集

覽解集自宮引呂刑宮辟爲據云已自割勢求爲宦官也
近時陳伯載作正誤乃破其說謂自宮以求進用非求爲
宦官也予按通鑑自宮求進者下云亦有免死而宮者又
按齊桓公曰豎刁自宮以近寡人管仲以爲其身之忍又
將何有於君今分注先言羣臣皆下蠶室後言宦者近二
萬人則集覽之說是矣而伯載非之何也自宮求進猶范
曄言腐身熏子以自衒達云爾

按自宮謂無罪而自宮者若呂刑之宮辟乃有罪而宮
刑非自宮也古者自宮之事惟見於豎貂

刑

書康誥又曰劓刵人無或劓刵人傳刵截耳刑之輕者疏
則在五刑爲截鼻而有刵者周官五刑所无而呂刑亦云
劓刵易噬嗑上九云何校滅耳鄭玄以爲臣從君坐之刑

孔意然否未明要有刑而不在五刑之類王氏尙書後案鄭曰刵者臣從君坐之刑者僖二十八年左傳衛侯與元喧訟鍼莊子爲坐衛侯不勝刵鍼莊子是周世有臣從君坐之刑但彼用刵而鄭于此注以刵當之者春秋之法不盡周初之制也段氏古文尙書撰異正義此條語意未明云臣從君坐之刑疑是蒙上文舉鄭周易注也或系之尙書鄭注云僖二十八年左傳衛侯與元喧訟鍼莊子爲坐衛侯不勝刵鍼莊子此臣從君坐之證鄭尙書注是刵字經文刵當爲刵之誤呂刑刵剕剕說文引作刵剕斃黥亦當改刵爲刵竊謂此說文字誤耳不得據誤改經尙書大傳曰決關梁踰城郭而略盜者其刑贖鄭注周禮孝經皆用之刵自有犯條不得以臣從君坐之刑釋刵也臣從君坐此必鄭氏說周易語今不得其詳矣不當證以左氏也

康誥呂刑皆有刑不得云古無刑刑

按古者五刑無則說文刀部刵斷耳也耳部職軍戰斷耳也春秋傳目爲俘職从耳或聲馘職或从首大雅攸馘安安傳馘獲也不服者殺而獻其左耳魯頌在泮獻馘箋馘所格者之左耳僖二十二年左傳示之俘馘杜注馘所截耳宣十二年傳右入壘折馘杜注折馘斷耳王制出征執有罪反釋奠於學以訊馘告注訊馘所生獲斷耳者昭二十六年傳林雍羞爲顏鳴下苑何忌取其耳杜注不欲殺雍但截其耳以辱之然則斷耳乃軍戰所用非常刑書誡康叔以治殷民自當用常刑不當用軍中之刑也段氏所稱或說疑刑爲刵之誤不爲無見未可遽議其非

呂刑爰始淫爲劓刑刵

詳內刑

按劓則說文支部敬下引作劓劓鄭康成本作劓劓故其注則在劓前然疑鄭本亦與許同則誤爲劓并注斷足亦誤爲斷耳矣孔傳本作劓劓故注云截人耳鼻耳在鼻前知正文亦則在劓前不知何時正文誤作劓則釋文已如是餘說詳肉刑

貫耳

左傳僖二十七年子玉復治兵於蔿終日而畢鞭七人貫三人耳正義曰耳助句也林注以矢貫其耳

按林注是此言子玉治兵之嚴也貫耳卽联乃軍法

說文联軍法以矢貫耳也从耳矢司馬法曰小罪联中罪

刑大罪劓切列切桂氏義證則當爲劓本書劓斷耳也王氏

句讀說同

按則爲軍法桂王之說是

別說文作跽跽

管子侈靡篇倮堯之時其獄一跽腓一跽履而當死今周公斷指滿稽斷首滿稽斷足滿稽而死民不服非人性也倮也房玄齡注諸侯犯罪者令著一隻履以恥之可以當死刑今周公謂時所用法也稽考也罪滿而斷則從而考之首滿其罪者亦從而考之應斷足所罪滿者又從而考之凡此欲以爲審慎也罪定者死之然人尙不服其罪豈人性之然乎時爽故也說文跽一足也法奇切段注管子倮堯之時一跽腓一跽履而當死謂一足荆一足履當死罪也引伸之凡物單曰跽

按如段說則腓者荆之段借字也白虎通周禮疏竝作腓依舊注則未必如段說斷指斷首斷足恐亦非謂刑名古未聞有斷指之刑也房注著一隻履以恥之是一

足有屨一足無屨腓脛臄也一足不使著屨而并露其
其腓也據五帝畫象說房注爲是段以爲荆之段借字
恐未確

書舜典傳五刑有剕詳宮下

慎子有虞之誅以菲屨當剕

按慎子與白虎通之說不同詳贛下此又以剕爲贛有虞

之刑果有贛剕剕之名乎古書無可考矣

周禮秋官司刑刑罪五百注剕斷足也周改贛作剕書傳
云決關梁踰城郭而略盜者其刑贛疏贛本亦苗民虐刑
咎繇改贛作腓至周改腓作剕書傳云贛者舉本名也
掌戮別者使守圜注斷足驅衛禽獸無急行

按左傳莊十九年楚鬻拳自剕楚人以爲大閹昭五年
若吾以韓起爲閹杜注剕足使守門竝與周禮墨者守

門不合杜說未知別有所據抑卽鬻拳之事推之疑楚法如是也

呂刑荆辟疑赦其罰倍差閱實其罪傳別足曰荆刑倍差謂倍之又半爲五百鍰 荆罰之屬五百疏釋詁云荆別也李巡云斷足曰別說文云別絕也是別者斷絕之名故創足曰荆諸者言

爾雅釋言跽別也郭注斷足釋文跽本亦作荆同扶味反又枝迷反別足曰荆

說文跽斷足也从足月聲跽跽或从兀段注此與刀部別異別絕也經傳多以別爲跽周禮司刑注云周改臚作別按唐虞夏刑用臚去其剝頭骨也周用跽斷足也凡於周言臚者舉本名也莊子魯有兀者叔山無趾踵見仲尼崔譔云無趾故踵行然則跽刑卽漢之斬趾無足指故以足

跟行也無足指不能行故別爲跣足者之履以助其行左
氏云踊貴履賤是也躡則足廢不能行跣則用踊尙可行
故跣輕於躡也跣一名跣跣一作荆鄭較異義云皋陶改
膺爲荆呂刑有荆周改荆爲別此恐誤與司刑注不合跣
亦形聲莊子養生主注曰介偏別之名崔本作兀又作跣
云斷足也德充符申徒嘉兀者也李云別足曰兀桂氏義
證一切經音義二別古文跣跣二形別斷足也周改躡爲
別廣雅別危也謂斷足卽危也 別絕也段注凡絕皆稱
別故剗下云別鼻也別足則爲跣周禮別者使守固此是
假別爲跣因九五剗別京房作剗創說文創別義同王氏
句讀跣爲斷足之專名別則斷絕之通名 跣跣也从足
非聲

扶味切

白虎通五刑篇跣辟之屬五百跣者脫其躡也

按此用呂刑而字作腓御覽引作腓

左傳昭三年晏子曰國之諸市屨賤踊貴於是景公繁於刑也繁多有鬻踊者故對曰踊貴屨賤景公爲是省於刑注踊別足者屨言別多釋文踊音勇別足者之屨也

韓非子和氏篇楚人和氏得玉璞楚山中奉而獻諸厲王厲王使玉人相之玉人曰石也王以和爲誑而別其左足及厲王薨武王卽位和又奉其璞而獻之武王武王使玉人相之又曰石也王又以和爲誑而別其右足武王薨文王卽位和乃抱其璞而哭於楚山之下三日三夜淚盡而繼之以血王聞之使人問其故曰天下之別者多矣子奚哭之悲也和曰吾非悲別也悲夫寶玉而題之以石貞士而名之以誑此吾所以悲也王乃使玉人理其璞而得寶焉遂命曰和氏之璧

按古者之刑初犯刑左足復犯刑右足此其證漢法斬止卽古者之刑亦右重於左

史記孫子傳後百餘歲有孫臏孫臏嘗與龐涓俱學兵法龐涓旣事魏得爲惠王將軍而自以爲能不及孫臏乃陰使召孫臏臏至龐涓恐其賢於已疾之則以法刑斷其兩足而黥之欲隱勿見

按孫臏史逸其名其稱孫臏者猶英布之稱黥布當時有此習也此兩足同時並刑而又加以黥蓋非常刑矣說苑雜言篇衛國之法竊駕君車罪刑

漢志當斬左止者笞五百當斬右止已論命復有笞罪者詳總弃市注臣瓚曰文帝除肉刑以鈇左右止代刑

按此文帝除肉刑故斬左止者以笞代斬右止者必再犯刑者兩足俱刑其情重故已論命復有笞罪者弃市

也臣瓚謂以欽左右止代別與志文不符當別有說

宋書明帝紀泰始四年九月詔凡竊執官仗拒戰邏司或攻剽亭寺及害吏民者依舊制五人以下相逼奪者特賜黥別投畀四遠仍用代殺方古爲優

互詳

按黥別者別而黥之自漢文除肉刑至是復行之矣然用以代殺固爾時矜恤之刑也

唐志太宗卽位詔長孫無忌房玄齡等復定舊令議絞刑之屬五十皆免而斷右趾既而又哀其斷毀支體謂侍臣曰肉刑前代除之久矣今復斷人趾吾不忍王珪蕭瑀陳叔達對曰受刑者當死而獲生豈憚去一趾去趾所以使見者知懼今以死刑爲斷趾蓋寬之也帝曰公等更思之其後蜀王法曹參軍裴宏獻駁律令四十餘事乃詔房玄齡與宏獻等重加刪定玄齡以謂古者五刑別居其一及

肉刑既廢今以笞杖徒流死爲五刑而又別足是六刑也於是除斷趾法爲加役流三千里居作二年

臙 俗作臙

周禮秋官司刑注書傳決關梁踰城郭而略盜者其刑臙夏刑臙辟三百宮辟五百釋文臙頻忍反徐方忍反劉符人反疏臙亦苗民虐刑咎繇收臙作腓至周改腓作別書傳云臙者舉本名也

周本紀臙辟臙罰漢志臙罰

按二書所言竝據呂刑蓋今文尙書作臙古文尙書作荆馬班用今文下條尙書緯亦用今文故云臙罰也

御覽

六百四十八

尙書刑德放曰臙者脫去人之臙也臙罰之

屬五百象七宿精

七宿昏中變而節氣之精也

禮統曰臙刑法金勝

本去其節目也

公羊傳襄二十九年疏元命包云臙辟之屬五百
白虎通五刑篇腓者脫其臙也

按御覽

六百四十八

引白虎通腓作臙

說文臙郛耑也从骨賓聲毗忍切段注郛脛頭節也釋骨
云蓋膝之骨曰膝臙大戴禮曰人生朞而臙臙不備則人
不能行古者五刑臙宮劓墨死臙者臙之俗去郛頭骨也
周改臙作跽其字借作別斷足也漢之斬止是也臙者廢
不能行跽者尙可箸踊而行踊別足者之屨莊子兀者叔
山無趾踵見仲尼崔譔云無趾故以踵行是則跽輕于臙
也古文尙書呂刑說夏刑作荆周禮司刑注引尙書大傳
皆作臙周禮注云周改臙作別而公羊疏引鄭駁異義云
皋陶改臙爲荆呂刑有荆周改荆爲別與周禮注不合足
部云跽跽也跽卽荆字許謂跽卽跽矣鄭析跽跽爲二不

知其制何以分別竊謂周禮注爲長駁異義則未定之論
許說亦非是也荆惟見於呂刑他經傳無言跕言荆者蓋
跕者髡之一名故周禮說周制作刑呂刑說夏制則今文
尙書作髡古文尙書作荆實一事也周改髡爲跕卽改跕
爲跕也許釋跕爲荆非鄭云臯陶改髡爲跕亦非也髡作
跕如禹貢螭作𧈧商書紂作受音轉字異非有他也

按荆跕之或體跕跕也跕與髡爲二刑段氏言之詳矣
今文尙書作髡古文尙書作荆說者是混髡與荆爲一
如漢書百官公卿表顏注荆去髡骨也此以荆爲髡也
段氏此注許鄭竝譏陳壽祺五經異義疏證謂鄭于周
禮司刑注尙書大傳注皆云周改髡作荆者原始言之
駁異義云周改荆爲荆則審矣其意與段同竊謂穆王
訓夏贖刑其文曰度作刑作者創作之謂前此周之贖

所持以能行也然其字非小篆難以規許此以許書反
覆推之而知跽之當爲跽不得合骸荆爲一事也鄭氏
司刑注先言周改骸爲荆後言夏刑骸辟其文本甚明
白其所言夏刑當有所本而非自呂刑推見之者觀其
刑之序大辟之下骸宮劓墨與所引書傳之骸宮劓墨
相合而與呂刑之墨劓荆宮之序不同是夏時宮次于
骸周則荆次于宮呂刑所謂世輕世重正指此類可見
穆王監夏而非襲夏宮次于骸故骸三百而宮五百荆
次于宮故荆五百而宮三百骸不能行故重于宮荆尙
能行故輕于宮輕重等差確有定序周初荆罪次于殺
罪與夏之骸次于大辟者相同呂刑宮次于大辟與周
初之制不同此必爲穆王所改定竝恐荆之名亦穆王
所改而非前有所承也此以鄭注反覆求之而知荆荆

之當爲一髡荆之不可混爲一也然則許書與鄭氏周禮注本相貫通竝無疑竇獨公羊疏引鄭駁異義有臯陶改髡爲荆周改荆爲刖之說而其義遂不可通矣自來說經者但言去髡斷足二制別無他說髡荆刖之何以分別段已言之旣云周改髡爲刖何以又云臯陶改髡爲荆其說抵牾必有一誤漢志謂禹承堯舜之後自呂德衰而制肉刑湯武順而行之然則唐虞之時有象刑而無肉刑又安有臯陶改髡之事將何說以通之乎則惟孔疏書傳云髡者舉本名之說爲得之矣今文髡本名也古文荆今名也跣卽荆也今名爲荆爲跣而世俗猶相沿稱爲髡耳史記言麗涓召孫臏臏至以法刑斷其兩足而跣之夫曰斷其兩足刖也故潛夫論云孫臏修能于楚麗涓自魏誘以刖之而舉世以臏稱此非

今名沿用本名者乎苗民之黥三代爲墨而世俗之言墨者仍以黥稱此其比也段謂黥作跽者音轉字異此卽以段之音均表言之實聲在眞臻部非聲在脂微部不同部也月聲則與非聲同在脂微部同部者得相通轉與異部之相通轉大不同也則以古音而論跽跼近而黥跽遠矣聲之遠近出于自然不可過於紆曲此段說之不足信者也今得而論定之曰唐虞無肉刑夏有黥辟周改黥爲剕穆王又名爲剕可以解衆說之糾紛矣

尙書大傳決閹梁踰城郭而略盜者其刑黥

陳壽祺校語云其刑黥諸書引作臙惟華嚴經第七十三音義卷下引傳首三句作黥音義云字从骨今依改按臙黥之或體說文有黥無臙

公羊傳襄二十九年何休注古者肉刑墨劓牖官與大辟而五

按何氏亦用今文尙書故作牖

白虎通五刑篇五帝畫象者犯牖者以墨蒙其牖處而畫之

按或據此謂五帝時已有牖刑然慎子又云有虞以罪履當刖牖刑之名各書淆混不分蓋非一日矣竊謂五帝畫象未必先有牖之名迨後制肉刑以牖官等名當五帝之畫象後人不察反以畫象當肉刑矣

斷腕

宋史太宗紀雍熙十年十月汴河主糧胥吏坐奪漕軍口糧斷腕徇于河畔三日斬之

按賊吏犯罪律有正條斬之而先斷腕實不足以爲法

此太宗之過舉也觀於後條豈宋時遂奉爲定制歟
元史世祖紀二十七年七月江淮省平章沙不丁以倉庫
官盜欺錢糧請依宋法黥而斷其腕帝曰此回回法也不
允

按世祖不允平章之請此勝於太宗處惟以爲回回法
必有所本今不可考矣

耶律楚材傳又有旨凡奧都刺合蠻所建白令史不爲書
者斷其手楚材曰國之典故先帝悉委老臣令史何與焉
事若合理自當奉行如不可行死且不避況截手乎

按據此是元時常行截手之法

明大誥有挑筋去指剝指斷手之刑

按詳大誥峻令攷 晉時劉頌有盜者截手之議然歷
代無行之者

斷腳筋

南史宋明帝紀太始四年秋九月戊辰詔定黥刖之制有司奏自今凡劫竊執官仗拒戰邏司攻剽亭寺及傷害吏人并監司將吏自爲劫皆不限人數悉依舊制斬刑若遇赦黥及兩頰劫字斷去兩腳筋徙付交梁甯州五人以下止相逼奪者亦依黥作劫字斷去兩腳筋徙付遠州若遇赦原斷徒猶黥面依舊補治士家口應及坐悉依舊結謫及上崩其例乃寢

按古之刖者斷足此乃斷去兩腳筋與古之刖名同而實異肉刑漢世已除明帝偶行之不久仍廢知議復肉刑者其事終難行矣

明大誥有挑筋去指之法

按此係挑手筋非腳筋

剗

易睽六三其人天且剗疏剗額爲天截鼻爲剗既處二四之間皆不相得其爲人也四從上刑之故剗其額一從下刑之又截其鼻故曰其人天且剗釋文剗魚器反截鼻也王肅作𪔐魚一反集解虞翻曰其人謂四惡人也黥額爲天割鼻爲剗无妄乾爲天震二之乾五以陰墨其天乾五之震二毀艮割其鼻也兌爲刑人故其人天且剗說文剗別鼻也从刀臬聲段注刀鼻會意易曰天且剗剗剗或从

按困上六釋文臬王肅妍詰反說文作剗是臬乃剗之或體一切經音義六引說文剗決鼻也

困九五剗別困于赤紱注以陽居陽任其壯者也不能以謙之物物則不附忿物不附而用其壯猛行其威刑異方

愈乖遐邇愈叛刑之欲以得乃益所以失也故曰劓刑困
赤紱也疏兌爲西方之卦赤紱南方之物故曰劓刑困于
赤紱集解虞翻曰割鼻曰劓斷足曰刖四動時震爲足艮
爲鼻离爲兵兌爲刑故劓刑也赤紱謂二否乾爲朱故赤
坤爲紱未變應五故困于赤紱也崔憬曰劓刑刑之小者
也於困之時不崇柔德以剛遇剛雖行其小刑而失其大
柄故言劓刑也釋文荀王肅本劓刑作髡髡云不安兒陸
同鄭云劓刑當爲倪仇京作劓創案說文創斷也

書舜典注

詳

周禮司刑注夏劓千

書盤庚乃有不吉不迪顛越不恭暫遇姦宄我乃劓殄滅
之無遺育無俾易種于茲新邑蔡傳乃有不善不道之人
顛隕踰越不恭上命者及暫時所遇爲姦爲宄掠行道者

我小則加以劓大則殄滅之無有遺育毋使移其種于此新邑也

按孔傳劓劓爲割孔疏五刑截鼻爲劓故劓爲割不以爲劓刑也蔡傳云小則加以劓是直以爲劓刑矣

互詳總攷

康誥非汝封刑人殺人無或刑人殺人非汝封又曰劓刑人無或劓刑人傳言得刑殺罪人無以得刑殺人而有妄殺無辜者劓截鼻則截耳刑之輕者亦言所得行所以舉輕以戒爲人輕行之疏以國君故得專刑殺於國中而不可濫其刑卽墨劓刑宮也

呂刑爰始淫爲劓刑桮黥傳於是始大爲截人耳鼻桮陰黥面以加無辜故曰五虐 劓辟疑赦其罰惟倍閔實其罪傳截鼻曰劓刑倍百爲二百鍰 劓罰之屬千

周禮秋官司刑劓罪五百注劓其鼻也今東西夷或以墨
劓爲俗古刑人逃亡者之世類與書傳觸易君命革輿服
制度姦軌盜攘傷人者其刑劓疏墨劓之人亡逃向夷詐
云中國之人皆墨劓爲俗夷人亦爲之相襲不改故云墨
劓爲俗也言與者無正文鄭以意而言也故言與以疑之
云觸易君命者觸君命令不行及改易之云革輿服制度
者依典命上公九命國家宮室車旗衣服禮儀皆以九爲
節侯伯已下及卿大夫士皆依命爲多少之節是不革今
乃革之革改也謂上僭也制度卽宮室禮儀制度也云姦
軌者案舜典云寇賊姦軌鄭注云強聚爲寇殺人爲賊由
內爲姦起外爲軌案成十七年長魚矯曰臣聞亂在外爲
姦在內爲軌御姦以德御軌以刑鄭與傳不同鄭欲見在
外亦得爲軌在內亦得爲姦故反覆見之或後人轉寫誤

當以傳爲正云

御覽

六百四十八

引尙書大傳注鄭玄曰攘

竊也

掌戮劓者使守關注截鼻亦無妨以貌醜遠之疏此則王
畿五百里上面有三關十二關門劓者守之

尙書刑德放劓屬千象七政日月五星應政變易

北堂書抄四十四

四

史記商君傳四年公子虔又犯約劓之

賈誼新書秦所尙書告語也刑罰也故趙高傳胡亥而教
之獄所習者非斬劓人則夷人之三族也

史記田單傳單宣言曰吾唯懼燕軍之劓所得齊卒燕人
聞之如其言城中人見齊諸降者盡劓皆怒堅守

漢志當劓者笞三百景帝元年定律笞三百曰二百

按此文帝除肉刑改也詳總攷

御覽

六百四十八

禮統曰劓刑法木克土決其皮革也

白虎通五刑篇劓者法木之穿土劓者劓其鼻也

按御覽引白虎通曰劓劓其鼻也法木之穿土也去鼻亦孔見

梁書武帝紀天監十四年正月辛亥詔曰世輕世重隨時約法前以劓墨用代重辟猶念改悔其路已塞竝可省除按天監十四年除黥面之刑見隋志卽此事也隋志梁律劫身黥面爲劫字而劓不言始于何時至是皆除之也六代之世肉刑時行時廢唐乃悉除之此唐律所以稱善晉天福以後刺配之法興而黥刑又行于世矣唐書吐蕃傳其刑雖小罪必抉目或劓劓以皮爲鞭抉之金志或重罪亦聽自贖然恐無辨於齊民則劓取以爲別分攷六終

刑法分攷七

刑法考

墨

易睽六三其人天且劓釋文天剗也馬云剗鑿其額曰天
李氏集解虞翻曰黥額爲天

按墨一名黥說文黥墨刑在面也从黑京聲剗或从刀
作墨段注刀之而易釋文作剗又黥之或體

書舜典五刑注詳五

夏墨辟干刑詳五

伊訓制官刑敬于有位言湯制官法以儆戒官曰敢有恒舞于官酣

歌于室時謂巫風敢有殉于貨色恒于游畋時謂淫風

也味求財貨美色常游戲敗德是淫過之風俗敢有侮聖言逆忠直違耆德比頑

童時謂亂風惟茲三風十愆卿士有一于身家必喪邦君

有一于身國必亡臣下不匡其刑墨具訓于蒙士傳墨刑

鑿其頤涅以墨疏言十愆有一則亡國喪家邦君卿士慮其喪亡之故則宜以爭臣自匡正犯顏而諫臣之所難故設不諫之刑以勵臣下故言臣不正君則服墨刑墨刑五刑之輕者司刑所謂墨罪五百者也

呂刑苗民弗用靈制以刑惟作五虐之刑曰法殺戮無辜爰始淫爲劓刵桼黥傳黥面疏黥面卽墨刑也鄭玄云黥爲羈黥人面鄭意黥面甚於墨頤孔意或亦然也 墨辟疑赦其罰百錢閼實其罪孔傳刻其頤而涅之曰墨刑疑則赦從罰疏說文云頤頤也墨一名黥鄭玄周禮注云墨黥也先刻其面以墨窒之言刻頤爲瘡以墨窒瘡孔令變色也 墨罰之屬千

周禮司刑墨罪五百注墨黥也先刻其面以墨窒之釋文窒本又作涅同乃結反 掌戮墨者使守門注黥者無妨

於禁御、司約凡大約劑書於宗彝小約劑書於丹圖若有訟者則珥而辟藏其不信者服墨刑注鄭司農云謂有爭訟罪罰刑書謬誤不正者爲之開藏取本刑書以正之當開時先祭之玄謂訟約若宋仲幾薛宰者也辟藏開府視約書不信不如約也珥讀曰血謂殺雞取血塗其尸禮記文王世子公族其有死罪則磬于甸人其刑罪則織剡亦告于甸人注織讀爲鍼鍼刺也剡割也刺割膺墨剡刑皆以刀鋸刺割人體也正義曰案魯語云小刑用鑕鑿次刑用刀鋸案墨刑刻其面是用鑕鑿也

春秋左氏襄公十九年傳婦人無刑注無黥刑之刑正義曰婦人淫則閉之於宮犯死不得不殺而云婦人無刑知其於五刑之中無三等刑耳三等墨剡刑也三等之刑墨輕刑重故舉其輕重而略其剡也周禮謂之墨尙書謂之

黥黥墨為一故依尚書言黥也 昭公五年傳注刑足使守門正義曰墨是刑之輕者

孝經五刑之屬三千釋文墨刻其額而涅之墨

尚書大傳非事而事之出入不以道義而誦不詳之辭者

其刑墨周禮司鄭玄注非事而事之今所不當得為也

御覽六百四十八引詳作祥陳校本今改今按詳祥古通

陳校改今為合非也鄭注周禮每引漢法以相況曰

今亦曰今時此今字亦舉漢法為此也所下疑有奪

字

尚書刑德放曰逐鹿者竿人額也黥者馬羈竿人面也鄭

玄曰逐鹿黥皆先次乃銛傷人墨布其中故后世謂之墨

王民也御覽六百四十人墨象斗度墨之屬千斗度變往名北堂書鈔

四十

按酉陽雜俎引尙書刑德放上竿字作鑿下竿字作竿
魯語注竿黥刑是竿乃竿之譌漢書刑法志竿作鑿斗
度古微書作斗華玉函山房輯本刑德放亦作斗華
國語周語有斧鉞刀墨之民韋昭注斧鉞大刑也刀墨謂
以刀刻其額而墨窒之

國語魯語中刑用刀鋸其次用鑕竿韋昭注竿黥刑也
戰國策秦策商君治秦法令至行公平無私罰不諱強大
賞不私親近法及太子黥劓其傅高誘注刻其額以墨實
其中曰黥鮑彪注墨涅其額曰黥 史記商君傳於是太
子犯法衛鞅曰法之不行自上犯之將法太子太子君嗣
也不可施刑刑其傅公子虔黥其師公孫賈明日秦人皆
趨令

荀子正論篇世俗之爲說者曰治古無肉刑而有象刑墨

黥楊倞注世俗以爲古之重罪以墨涅其面而已更無劓
刑之刑也

白虎通墨墨其額也取火法之勝金也得火亦變而墨也
御覽六百四十八

經義述聞曰呂刑劓劓黥堯典正義引夏侯等書作臄
宮劓割頭庶劓考御覽刑罰部引尙書刑德放云云又引
鄭注云云然則墨刑在面謂之黥在額謂之涿鹿涿古讀
若獨涿鹿疊均字頭庶劓卽涿鹿黥頭涿古同聲庶則鹿
之譌耳

漢書武帝紀畫象而民不犯注師古曰墨謂曰墨黥其面
也

漢書百官公卿表正五刑注師古曰墨鑿其額而涅以墨
也

漢書刑法志墨罪五百注師古曰墨黥也鑿其面目曰墨涅之

秦始皇紀三十四年丞相李斯請燒詩書百家語有敢偶語詩書者弃市以古非今者族吏見知不舉與同罪令三十日不燒黥爲城旦制曰可

漢書文帝紀十三年除肉刑法 刑法志當黥者髡鉗爲城旦春

匈奴傳漢使王烏等闕匈奴法漢使不去節不曰墨黥其面不得入穹廬王烏北地人習胡俗去其節黥面入廬單于愛之陽許曰吾爲遣其太子入質於漢曰求和親按此言王烏習胡俗豈匈奴之俗黥面歟漢使以墨黥面疑祇是以墨塗面而已非真以刀刻其面也

後漢書朱穆傳臣願黥首繫趾注黥首謂鑿額涅墨也

按此太學書生劉陶等上書訟穆語殆設言之辭非爾時尙有黥首之刑

後漢書酷吏傳論至於畫衣冠注墨黥面也

賈誼陳政事疏廉恥節禮以治君子故有賜死而亡戮辱是以黥劓之罪不及大夫以其離主上不遠也

晉令奴婢亡加銅青若墨黥兩眼後再亡黥兩頰上三亡

橫黥目下告長一寸五分廣五分

西陽雜俎入御覽六百四十八

南史宋明帝紀泰始四年詔定黥劓之制有司奏自今凡劫竊執官仗拒戰邏司攻剽亭寺及傷害吏人并監司將吏自爲劫皆不限人數悉依舊制斬刑若遇赦黥及兩頰劫字斷去兩腳筋徙付交梁寧州五人以下止相逼奪者亦依黥作劫字斷去兩腳筋徙付遠州若遇赦原斷徙猶黥面依舊補治士家口應及坐悉依舊結譴及帝崩其例

乃寢

隋書刑法志梁天監元年定律劫身皆斬遇赦降死者黥面爲劫字十四年除黥面之刑 說文黥大污也 廣韻黥大污垢黑

按黥玉篇丁敢切廣韻當敢切廣韻都敢切類篇集韻然覩敢切丁當都覩皆端母其音同也類篇集韻又吐敢止染二切音稍異亦上聲也御覽黥音都咸切諸書無此音疑咸乃感之誤

北史魏文紀大統十三年詔自今亡奴婢應黥者止科亡罪

宋史刑法志凡應配役者傳軍籍用重典者黥其面 凡犯盜刺環於耳後徒流方杖圓三犯杖移於面徑不過五分 開寶八年詔嶺南民犯竊賊滿五貫至十貫者決杖

黥面配役十貫以上乃死 雍熙二年令竊盜滿十貫者

奏裁七貫決杖黥面隸牢城五貫配役三年三貫二年一

貫一年

此條通考刑五引稱太平興國十年

端拱二年舊制僅僕有犯得

私黥其面帝謂僅使受傭本良民也詔盜主財者杖脊黥

面配牢城勿私黥之

此條通考刑五稱咸平六年

天聖五年陝西旱

因詔民劫倉廩非傷主者減死刺隸他州 景祐二年改

強盜法不持仗得財爲錢六千若持仗罪不至死者仍刺

隸二千里外牢城有司言竊盜不用威力得財爲錢五千

卽刺爲兵反重於強盜請減之遂詔至十千始刺爲兵京

城持仗竊盜得財爲錢四千亦刺爲兵 慶歷三年詔曰

如聞百姓抵輕罪而長吏擅刺他州朕甚憫焉自今非得

於法外從事者毋得輒刺罪人熙寧三年北部郎中知房

州張仲宣嘗檄巡檢體究金州金阨無甚利土人憚興作

以金八兩求仲宣不差官及事覺法官坐仲宣枉法贓應絞援前比貸死杖脊黥配海島知審刑院蘇頌言仲宣所犯可止恐喝條且古者刑不上大夫仲宣官五品有罪得乘車今刑爲徒隸其人雖無足矜恐汚辱衣冠爾遂免杖黥流賀州自是命官無杖黥法 熙寧三年中書上言刑名未安者五其三刺配之法二百餘條其間情理輕者亦可復古徒流移鄉之法俟其再犯然後決刺充軍其配隸並減就本處或與近地凶頑之徒自從舊法

不果行

元豐

元年青州民王贊父爲人毆死贊幼未能復讐幾冠刺讐斷支首祭父墓自首論當斬帝以殺讐祭父又自歸罪其情可矜詔貸死刺配鄰州 紹聖三年刑部侍郎邢恕等言藝祖初定天下主典自盜贓滿者往往抵死仁宗之初尙不廢也其後用法稍寬官吏犯自盜罪至極法率多貸

死然甚者猶決刺配島錢仙芝帶館職李希甫歷轉運使不免也比朝廷用法益寬主典人吏軍司有犯例各貸死略無差別欲望講述祖宗故事凡自盜計贓多者間出瘡斷以肅中外詔今後應枉法自盜罪至死贓多者並取旨通考一百六十八咸平三年先是江浙荆湖廣南遠地應強盜及持仗不死者并部其屬至京師多殞於道路乃詔自今止決杖黥面配所在五百里外牢城元祐五年刑部言佃客犯主加凡一等主犯之杖以下勿論徒以上減凡人一等謀殺盜詐及有所規求避免而犯者不減因毆致死者不刺面配鄰州情重者奏裁從之紹興十九年刑部看詳捕獲沿海劫盜並係持仗兇徒理宜措置關防今將合該刺配廣南及三千里之人斷訖權行刺配鄂州都統制軍下二千五百里以下之人斷訖量訖地里遠近權行

刺配池州太平州建康府都統制軍下並收管重役其配
字欲以配州府屯駐軍重役字爲文俟盜賊衰息日依舊
制從之 淳熙八年詔自今強盜抵死特貸命之人並於
額上刺強盜二字餘字分刺兩頰

今刺強盜
當自此始

淳熙十一

年校書郎羅點言比年以來所在流配人甚衆強盜之獄
每案必有逃卒積此不已爲害不細臣嘗推原其端蓋由
配法太繁本朝折杖之制視前代用刑爲輕而刺配之法
視前代用刑爲重國初敕令尙簡入配者少承平旣久防
禁益密在仁宗朝張方平極陳其弊建議減除迨今百有
餘年有增無損切謂欲戢盜賊不可不銷逃亡之卒欲銷
逃亡之卒不可不減刺配之法望詔有司將見行刺配情
輕者從寬減降別定居役或編管之令其應配者檢會淳
熙元年五月指陳擇其強壯刺充屯駐大軍庶幾州縣配

之卒自此漸少上曰近歲配隸稍多久後當如何準等奏如雜犯死罪猶可從輕至如劫盜六項指揮之行爲盜者莫不曉得將欲爲盜必先虛立爲首之名殺人姦濫之罪皆歸之以故爲首者不獲而犯者免死盜何由懲上曰可令刑寺集議奏聞旣而刑部大理寺奏言象以典刑墨居其一流放之法用宥五刑是墨刑不施而後宥以流也鞭作官刑說者曰鞭以爲治官事之刑是流墨不施而後及於鞭也蓋曰墨曰流曰鞭三者俱爲九刑之一自帝舜以迄三王未聞有兼施並用者漢文帝除肉刑當黥者髡鉗爲城旦舂惟剗與刖方及於笞則黥之與笞漢時亦不兼用也歷代遵尙鞭笞度數雖有不同止用其一無復他法隋文帝始改百王之制而用其二然亦不兼施今簡冊可考也流刑徙之遠方則在千里千五百里二千里之外止

於離其鄉并徒刑役於當處則有一年一年半二年二年
半三年之限止役作其身凡是二者皆不答決惟杖刑自
六十至百答刑自十至五十是二者答決其身隨卽縱遣
至唐高祖加千里之流太宗申加役之制餘因隋舊而已
晉天福始創刺配合用其二仍役而不決逮我藝祖一洗
五代之苛猶以隋制爲重於是悉易以決爲流徒杖答之
法名存實改自加役流至流二千里其刑四竝決脊杖配
役有差所謂配役非今之所謂配古所謂徒役是也自徒
三年至徒一年其刑有五竝決脊杖有差而盡免其徒役
之年自杖一百至六十自答五十至十其刑各五悉易以
臀杖而減其數如杖一百止決二十減其八十之數是也
由杖九十以下至於答十悉從末減於是帝舜三居之法
至此始不用流罪得免遠徙徒罪得免役年答杖得減決

數而省刑之意遂冠百王其後坐特貸者方決杖黥面配
遠州牢城而舜之九刑始併用其三黥爲墨配卽流杖迺
鞭三者始萃於一夫之身蓋其制將以寬死罪合三爲一
猶爲生刑端未爲過至太宗皇帝始詔竊盜賊滿五貫者
決杖黥面配役其意亦以宥死蓋國初之制竊盜三貫弃
市故也累聖相承固未嘗有慘於用刑之意而人情狃於
見聞法令易以滋彰據張方平所奏祥符天聖慶歷其數
至倍是也今以刑書考之其麗於配者幾五百條中間有
數項比之慶歷又復數倍積少成多殆非一朝一夕之故
然回視藝祖創法之始特以宥死者固已遠矣又有罪不
至配而用情重決配者亦有泛言決配而因以決配者當
推原其故爰自建隆以及淳熙二百年之間決配旣多視
以爲常不復知有前代之遺制與夫祖宗之美意臣僚奏

請動以決配爲言有司建立亦以決配爲可而配法始茲
矣近者李椿當建此議陛下特詔近臣各述所見其間亦
有爲陛下略言及此者而講之不詳亦卒以廢格良可惜
也竊謂今罪之麗於大辟者宥其一死俯從決配乃藝祖
之遺制固不容輕議自餘流罪以下情理重害未可遽去
者且仍舊其次重者當如方平之請代以役年其輕者並
行刊削如此既不失藝祖創法之本意亦稍復前代沿襲
之舊章非細故也但方平之請止具四等而今世配法乃
至十四等今欲推廣方平之意永不放還者役終身海外
者役八年遠惡廣南者役七年三千里二千五百里並役
六年二千里一千五百里者並役五年千里五百里者並
役四年特旨配鄰州者役三年本州本城者並役二年不
刺面者役一年免其文面並役當處雖累會恩不許原免

則方平之意得矣上尋謂輔臣曰朕思之配法雜犯配罪只配本州牢城犯私茶鹽之類不必遠配只刺充本州廂軍令著役若是劫盜已經三次便可置之死可論刑寺熟議奏來十四年八月臣僚言刺配之法始於晉天福間國初加杖用貸死罪其後科禁寢密刺配日增考之祥符編敕止四十六條至於慶歷已一百七十餘條今淳熙配法凡五百七十條配法既多犯者自众黥隸之人所至充斥近臣僚建請改定居役之法已降指揮看詳至今未見定論蓋緣刺配情理稍輕既欲降居役則編管乃爲從坐不應卻令徙鄉輕重不倫議乃中格竊謂前後創立配條不爲無說若止令居役不離鄉井則幾於惠姦不足以懲惡若盡用配法不恤黥刺則面目一壞誰復顧藉強民適長威力有過無由自新檢照元豐刑部格諸編配人自有不

移不放及移放條限政和編配格又有情重稍重情輕稍輕四等色目若依倣舊格稍加參訂將犯配法人如入情重則依舊刺面用不移不放之格其次稍重則止刺額角用配及十年之格其次稍輕則與免黥刺用不刺面役滿放還之格其次最輕則降爲居役別立年限縱免之格儻使居役本條或有從坐編管則置之本城減其放限如此則於見行條法並無抵牾且使刺面之法專處情犯凶蠹而其他偶麗於罪皆得全其面目知有所顧藉可以自新省黥徒銷姦黨誠天下之切務卽詔有司裁定其後迄如舊制

嘉泰四年臣僚言後世衣食之路日蹙犯法者众配隸之人中路多逸及到配所州郡憚於贍養往往故縱不捕此徒雖幸脫免而其身實無所容於天地間饑寒切身若非

羣衆販買私商卽是聚爲強盜配隸之人蓋有兩等其鄉民一時鬪毆殺傷及胥吏犯贓貸命流配等人設使逃逸未必皆是強勇能爲大過欲止徒配本州牢城重役立爲條限限滿給據復爲良民至於累犯強盜及聚衆販賣私商曾經殺傷捕獲之人皆能跳梁山溪運動兵仗非村民胥吏之比欲並配屯駐軍立爲年限限滿改刺從正軍衣糧誠爲利便從之

遼

遼史刑法志有黥刺之法 統和二十九年以舊法宰相節度使世選之家子孫犯罪徒杖如齊民惟免黥面詔自今但犯罪當黥卽准法同科 詔自今三犯竊盜者黥額徒三年四則黥面徒五年至於五則處死 興宗重熙二年有司奏元年詔曰犯重罪徒終身者加以捶楚而又黥

面是犯一罪而具三刑宜免黥其職事官及宰相節度使世選之家子孫犯姦罪至徒者未審黥否上諭曰犯罪而悔過自新者亦可用之人一黥其面終身為辱朕甚憫焉後犯終身徒者止刺頸奴婢犯逃若盜其主物主無得擅黥其面刺臂及頸者聽犯竊盜者初刺右臂再刺左三刺頸之右四刺左至于五則處死 聖宗紀統和二十九年五月詔帳族有罪黥墨依諸部人例

金

金史太宗天會七年詔凡竊盜但得物徒三年十貫以上徒五年刺字充下軍三十貫以上徒終身仍以贓滿盡命刺字於面五十貫以上死

元

元史刑法志諸倉庾官吏與府州司縣官吏人等以百姓

合納稅糧通同攬納接受折價飛鈔者十石以上各刺面杖一百七 諸海道運糧船戶盜糶官糧詐稱遭風覆沒

者計贓刺斷雖會赦仍刺之 諸南北兵馬司罪囚八十

七以下決遣應刺配者就刺配之 諸審囚官強復自用

輒將蒙古人刺字者杖七十七除名將已刺字去之

以上職制

諸爲人子孫爲首同他盜發掘祖宗墳墓盜取財物者

以惡逆論雖遇大赦原免仍刺字徙遠方屯種

以上大惡

諸

竊盜初犯刺左臂謂已得財者再犯刺右臂三犯刺項強

盜初犯刺項並充景跡人官司以法拘檢關防之其蒙古

人有犯及婦人犯者不在刺字之例 諸強盜再犯仍刺

諸燒鈔庫合干檢鈔行人輒盜昏鈔出庫分使者刺斷

諸盜局院官物雖贓不滿貫仍加等杖七十七刺字

諸工匠已關出庫物料成造及額餘外不曾還官因盜出

局者斷罪免刺 諸發冢得財不傷屍杖一百七刺配

諸於迫野盜伐人材木者免刺計贓科斷 諸竊盜贓不

滿貫斷罪免刺 諸被誘脅上盜不曾分贓而容隱不首

者杖六十七免刺 諸先犯誘姦婦人在逃後犯竊盜二

事俱發以誘姦爲重杖從姦刺從盜 諸詐稱收稅攔頭

剽奪行李財物者以盜論刺斷充景跡人 諸盜米糧非

因饑饉者仍刺斷 諸盜塔廟神像服飾無人看守者斷

罪免刺 諸竊盜應徒若有祖父母父母年老無兼丁侍

養者刺斷免徒再犯而親尙存者候親終日發遣居役

諸女直人爲盜刺斷同漢人 諸年饑民窮見物而盜計

贓斷罪免刺配 諸竊盜一歲之中頻犯者從一重論刺

斷 諸年饑迫其子若壻同持仗行劫子若壻減死一等

坐免刺 諸父爲人誘爲盜疾不能往命其子從之而分

其贓者父減爲從一等免刺子以爲從論 諸兄弟同盜
皆刺 諸奴盜主財斷罪免刺 諸盜雇主財者免刺
諸同主奴相盜斷罪免刺 諸軍人爲盜刺斷免充景跡
人 諸守庫藏軍人輒爲首誘引外人偷盜官物但經二
次三次入庫爲盜及提鈴把門軍人受贓縱賊者皆處死
爲從者杖一百七刺字流遠 諸見役軍人在逃因爲竊
盜得財杖一百七仍刺字杖從逃軍刺從盜 諸僧道爲
盜同常盜刺斷 諸僧道盜其親師祖師父及同師兄弟
財者免刺 諸幼小爲盜事發長大以幼小論未老疾爲
盜事發老疾以老疾論其所當罪聽贖仍免刺配諸犯罪
亦如之 諸年未出幼再犯竊盜者仍免刺 諸竊盜年
幼者爲首年長者爲從爲首仍聽贖免刺配爲從依常律
諸掏摸人身土錢物者初犯再犯三犯刺斷徒流竝同

竊盜法

諸盜親屬馬牛事未覺自首願償價不從既送

官仍以自首論免刺

諸強盜行劫爲主所逐分散奔走

爲首者殺傷鄰人爲從者不知不以殺傷事主不分首從

論爲首者處死爲從者杖一百七刺配 諸竊盜奔財拒

捕毆傷事主者杖一百七免刺 諸爲盜先竊後強會赦

其下手殺傷事主者不赦餘仍刺而釋之 諸藏匿強竊

盜賊若未行盜及行盜之後知情藏匿之家各減強竊從

賊一等科斷免刺 諸謀欲圖人所質之田輒遣人強劫

贖田之價者主謀下手一體刺斷其卑幼爲尊長驅役者

免刺 諸先犯強盜刺斷再犯竊盜止依再犯竊盜刺配

諸色目人犯盜免刺 諸爲盜經刺自除其字再犯非

理者補刺五年不再犯已除籍者不補刺年未滿者仍補

刺 諸盜賊赦前擅去所刺字不再犯赦後不補刺 諸

應刺左右臂而臂有雕青者隨上下空歇之處刺之 諸
犯竊盜已經刺臂卻徧文其身覆蓋元刺再犯竊盜於背
刺之 諸累犯竊盜左右項臂刺徧而再犯者於項上空
處刺之 諸脅從上盜而不受賊者止以不首之罪罪之
杖六十七不刺 諸爲盜得財者聞有涉疑根捕卻以賊
還主者減二等論罪免徒刺及倍贓 諸竊盜因事主盤
詰而自首服其贓未還主者計贓減二等論罪刺字 諸
無服之親相首爲盜止科盜罪免刺配 諸竊盜悔過以
贓還主不盡其餘贓猶及刺罪者仍刺之 以上盜賊 諸故燒
官府廨宇及有人居止宅舍無問舍宇大小財物多寡比
同強盜免刺杖一百七徒三年其無人居止空房并損壞
財物及田場積聚之物同竊盜免刺計贓斷罪因盜取財
物者同強盜刺斷 諸挾仇放火隨時撲滅不曾延燎者

比強盜不曾傷人不得財杖七十七徒一年半免刺以上禁令

明

明史刑法志正統八年大理寺言律載竊盜初犯刺右臂再犯刺左臂三犯絞今竊盜遇赦再犯者咸坐以初犯或仍刺右臂或不刺請定爲例章下三法司議刺右遇赦再犯者刺左刺左遇赦又犯者不刺立案赦後三犯者絞帝曰竊盜已刺遇赦再犯者依常例擬不論赦仍通具前後所犯以聞

洪武三十年御製大明律序合黥刺者除逆黨家屬并律該載外其餘有犯俱不黥刺

明律凡稱與同罪者止坐其罪不在刺字絞斬之限唯盜論免刺字以盜論刺字 凡白晝搶奪人財物者竝於右小臂膊上刺搶奪二字纂注其搶奪再犯者照例於右臂

膊重刺 凡竊盜已行而不得財免刺但得財者初犯竝於右小臂膊上刺竊盜二字再犯刺左小臂膊三犯者絞以曾經刺字爲坐掬摸者罪同若軍人爲盜免刺 凡盜田野穀麥菜果及無人看守器物者免刺 凡各居親屬相盜財物者竝免刺其同居奴婢雇工人盜家長財物及自相盜者免刺 凡恐嚇取人財物者免刺 凡用計詐欺官私以取財物者免刺若冒認及詎賺局騙拐帶人財物者免刺 凡發掘墳塚盜取器物輒石者免刺 其知人強竊後而分贓者免刺 凡盜賊曾經刺字若有起除原刺字樣者補刺

按觀於御製序文是明祖於刺字一端亦極慎重不輕刺也律內該載者亦止搶奪竊盜兩項逆黨家屬律無明文不知刺何字樣殆亦臨時決定竝非一概刺字歟

光緒丙戌余輯刺字集五卷付之手民以備官司援引
復彙輯自古刑法有關刺字者成刺字攷一卷非徒攷
厥源流亦藉以究其得失今刺字已奏準刪除刺字集
一書已同故紙惟此卷尙可備考古者之參稽因編入
歷代刑法攷內而刪去舊名識其緣起於此宣統元年
三月家本記

鈇

史記平準書敢鑄鐵器煮鹽者鈇左趾集解韋昭曰鈇以
鐵爲之著左趾以代刖也索隱按三蒼云鈇踏腳鉗也字
林徒計反張斐漢書漢晉律序云狀如跟衣著足足下重
六斤以代臠至魏武改以代刖也

按上足字
當作右

急就篇鬼薪白粲鉗鈇髡顏注以鐵踏頭曰鉗踏足曰鈇
說文鉗以鐵有所劫束也鈇鐵鉗桂氏義證鐵鉗也者御

覽引作歷鉗也字書在足曰欽蒼頡篇鉗欽也管子幼官
篇刑則交寒害欽劉績注云欽鉗械人足也漢書陳萬年
傳或私解脫鉗欽顏注鉗在頸欽在足以鐵爲之後漢書
朱穆傳臣願黥首繫趾注繫趾謂欽其足也以鐵著足曰
欽

晉書刑法志魏武定甲子科犯欽左右趾者易以木械是
時乏鐵故易以木焉

按漢志文帝改當斬左止者笞五百當斬右止已論命
復有笞罪者棄市景帝元年減笞五百曰三百中六年
又減笞三百曰笞二百而不及欽刑是景帝時尙未定
此法當在武帝之世殆以笞二百尙有死者故改之歟
斬右止已論命復有笞罪者棄市其無笞罪定以何罪
志亦不詳疑已論命而無笞罪者卽欽右止可由左止

而推故史略之也後漢書帝紀赦詔多列右止之名魏
世尙兼有欽左右趾之法

分考七終